

Minister di Salud Publico, Cuido di Nos Grandinan y Deporte, Dr. Alex Schwengle
Stichting Sportsubsidie Aruba na Vigor 1 di januari 2018



ORANJESTAD – Diaranson anochi Comision Subsidio a duna Raad van Toezicht un presentacion di e trabounan di e comision, den presencia di minister Alex Schwengle.

Entrante dia 1 di januari 2018, e comision aki lo no ta den funcion mas y Stichting Sportsubsidie Aruba lo reemplas'e.

Cosnan ta cla ainda, paso-

bra Stichting Sportsubsidie Aruba mester keda reuni cu Comision Subsidio pa asina nan bay riba un overgang regeling desde awo te cu fin di aña.

E intencion ta cu pa dia 1 di Januari 2018 no lo bay tin mas e Comision Subsidio pero solamente lo tin e Stichting.

E motibonan pa bin cu e cambio aki ta conoci entre

otro no tin un base huridico bon pe comision. Comision Subsidio ta ricibi placa for di Lotto pero tambe e otro placa cu nan ta ricibi segun e manera huridico esaki no ta bon regla.

Na final Minister ta esum cu ta carga cu tur responsabilidad.

Pero awo e Stichting lo tin e responsabilidad ey, unda cu nan lo bay tin un Raad van

Toezicht di cual bou nan lo tin un directiva. Den e directiva aki lo bay tin un director y cu su staf.

E tempo pa haci esaki ta uno relativamente cortico, pasobra desde di awo te cu december nan lo ta trahando riba e overgang pa asina dia 1 di Januari 2018 nan lo traha completamente y lo stop cu e Comision Subsidio.

Minister Schwengle ta re-

corda tur federacion pa keda tranquil pasobra ainda nada lo bay cambia.

Lo avisa tur federacion na tempo si acaso lo bay bin cambio den e reglanan cu ta stipula den e reglamentacion di Subsidie regeling, pa awor aki e mesun reglanan ta keda na vigor.

Na momento cu e Stichting keda cla, lo reuni cu tur federacion.